



雲  
黃  
泉  
詩  
陸



雲黃集卷之十

穆陵傅國鼎卿著

詩

戊申

正月初二日題

野色山烟漸秀眼  
看新年又舊畏寒却戀  
餘寒惜晝翻嫌冰晝倚  
酒題詩倦來對局  
探釣散後鳥啼花落  
黃昏一餉紅顏半瘦

阻雨新若北庄三首

偶寄真無賴，祇憑睡與吟。  
老當春益怯，病覺雨難禁。  
堦草向人靜，山鐘隱霧深。  
參差猶有興，走馬借棋琴。

小出忽逢雨，孤村一夕留。  
敲門煩近舍，半夜借綿裘。  
陰感骨偏慟，愁催鬢總秋。  
牢騷不自遣，百遍探吳鉤。

多病多愁，孤客微風微雨。  
春陰淒淒，隱几無賴黯黯。  
傷心不禁，稚子衝泥貫酒。  
主人把火縫衾，借驢預約。  
朱老霽景明來共尋。

清明日同親知五六人野醉新若之龍潭

良辰謀一樂，携酒釀山家。  
選勝席沙草，擎杯倚岸花。  
山雲當坐正，風燕傍人斜。  
久病渾無緒，空鷺歲復華。

共覓春濃處，開樽水木中。  
高低依細石，左右裏芳叢。  
斫杏揉紅霧，岩泉落白虹。  
酒乾

留不去結伴覓漁翁

送內兄蕭雲

匹馬長為客空山仍送人  
黃昏分背處細雨獨歸身  
覓酒敲門遍行吟繞屋頻傷心  
搖落後不忍更逢春

過孟秀才山齋

孟適欲留飲而偶以他事不克作主

山居寡所管散誕多幽意  
騎馬破山雲蹀躞隨所至  
頗愛孟生廬濃秀一休騎敲門

久不應悄悄如野寺良久有蓬頭披衣問  
所事引入道少遲主人方晝睡藻荇滿空  
階靜鎖一庭翠習習來幽芳謾謾流輕吹  
斛水貯深清澄光澹欲漬孤客凌波入冷  
然撥其粹習習微風來芙蓉四面被流潤  
洗心顏雜馨撲衣縑凝玩不覺留兩忘人  
與地主入袒跣出大笑前把臂為掃長松  
陰結跏坐相次各自起佳陰不作賓主位

意故雜風騷語仍帶夢寐時起穿花竹指  
點說名字半醒半睡間不韞不申態走呼  
婦殺鷄強將馬解轡相視空青中好共圖  
一醉世事多蒼卒俄傾難預計鏡水走蛟  
螭晴剗出精魅竟為雷雨催斯遊復不遂  
清興殊未終莫遣花枝墜不送亦不別脫  
畧各真味上馬意蕭然人生何必貴

野興二首

野坐渾無礙蕭然四面風遠山微雨裏小  
徑亂花中漱石掬清澗彈棋骨密叢更堪  
吟望處秋色正空同

麥秋也

繫馬風林晚追涼野意賒看松入古寺愛  
竹到山家選坐隨幽草移尊逐淨沙醉歸  
微嬾困倒載看榕花

雙山

不到雙山路今來十八秋相逢無故物空

漢憶曾遊骨肉存黃土功名換白頭憑何  
識往事依約舊東流

神山山祠三首

在安丘電泉廟西

午倦投孤廟幽眠得素懷筠松搖靜景金  
碧冷空塔野封青徐雜海雲吳楚霾徘徊  
思記跡身事與心乖

歇馬來空僻關門任往還定聞風落果  
看雨吞山慘慘石苔古萋萋徑草閒客中

倘愛此可以容吾鯨

孤祠臨絕巖久坐可忘情雲裏千山色風  
中萬竹聲徑無俗客跡碑有漢人名私喜  
塵遊倦仙人為化城

留山廟

在安丘俗名舊廟

髣髴尋常遊處香菜二十春山川如昨夢  
風味似前身拊髀成何事回頭少故人塵  
餘傲骨在老瘦走風塵

修真觀即事

觀在臨淄古城北

騷騷孤院隱堯城萬綠陰中簫管聲  
馬獨來溪處聽忽忘身為利名行

辭雨樂安野館

驟雨逢空驛柔篷快小眠在家嗟亦客旅  
食且隨緣跡半山中寺幽長馬上禪秋風  
歸思起欲乞買山錢

客懷

留滯不堪愁瀟瀟雨未休信緣看水鷺無  
屋聽林鳩野樹連官渡鄉雲入客樓幾捻  
青萍起無那蒯為緜

雨鳩鳴云無屋住

淘河之屬有不捕魚而之水中開口以待者名曰信天綠又天將

夜雨有懷

秋園風雨夜蕭蕭卧聽淒其不自聊半  
世甫田傷往事十年孤枕憶阿嬌愁中霜  
露添新病老去耕桑負



聖朝何處驢鳴聲更切教人魂斷名為招

織女渡河

七夕之朝雨如瀉四海齊飛天  
漢下白浪高擁萬山來赤崖  
亂拆千龍亞鳥飛不度行人絕  
草見柳梢柳梢滅有羨新婦百  
兩紛併徊遙望如紅雪仙翁香  
立河西岸星從佳期在夜半

儵忽翳鳳走百靈蠕蠕蟠  
合四面雲為輿風為馬天旗  
河鼓打玄龜駕大梁依烏扶玉  
床頡頏魚鱗排三柱髟髟鵝首戴  
七襄一葉紅蓮疾於箭俱入俱  
出洪波羨兩岸爭觀不翼飛一道  
驚來開雲電可知玉織款款掬銀  
河洗淨人間泥滓與兵戈可知

夜風流凖駕枕明朝百倍酬天錦

秋晴小出龍港山中

微雨靜秋光萬里如鏡定情然空青中可  
以乘幽興騎馬入山雲曲折極微徑林日  
弄輕暉風泉合清聽穿叢醉野芳步壑攀  
石蹬點點巖下村隱隱松間磬烟開細岑  
浮嶺夾長天巨吟詩苗葉下問人孤犬應  
絕岸有行跡狂渚無藏勝澹然足逃喧不

覺山光暝

病痢肩雨庄歸道倦甚偶憇魚合小

澗中密樹幽石廻流曲岸宛轉深  
鬱自為一區困頓中為一洒然漫

吟二首

力疾經行處堪憐水樹邊青苔依細石紅  
葉墮幽泉岸曲容深坐沙平可小眠雨中  
為一駐瀟灑病能痊

癘歸衝暮雨野止得林丘背徑雙崖黑臨  
潭萬樹秋地深雲可隱天斷雨依休不是  
病中歎那知此處幽

去合水十數里夜矣病不能支再憇  
具水南岸水樹深幽雜以風雨胸  
山寺遠鍾間之杳杳微聞有意外  
之致徘徊凝聽忽不自知吾之有  
身也

月黑烟樹深歇馬臨河澗隔岸遠燈明動  
枝寒鳥聚淡淡水上雲浙浙沙中雨更聞  
山寺鍾杳杳來孤嶼夜靜步空洲病骨忽  
堪舞

### 雨望

晚寒歸思急扶策破青冥細雨鳴紅豆孤  
雲點翠屏徑清塵不雜野潤氣微馨幾  
度貪幽翫遂遺病裏形

合水西澗

萬木陰陰倚巖坡  
清風流水靜鳴珂  
最憐此日雨中入  
正憶前秋月下過  
萬鳥驚人連葉散  
片雲觸馬上衣多  
幽懷對此情無極  
時事相催柰老何

秋夜

起坐三更盡悠然  
夜思重秋聲  
驚馬暗塵  
月露滴疎松  
病骨寒偏瘦  
宦情老益慵

狂風來遠角  
忽似未央鐘

秋秋

秋秋無一事  
載酒徧郊洞  
盃為青山引  
騎緣紅剗  
停霜溪清可翫  
風谷響音宜  
聽不覺烟光暮  
投人問野亭

雪旦行海浮山下

孤廟千松剄  
窳然雪山嶺  
巔下方圍水  
竹四面繞  
雲烟鏡裏  
屏偏翠影  
中畫更妍

况無朝霽色點竹黑抹霜天

記夢四首有跋

淒風殘月夜悠悠滿院寒松鎖寺樓梵語  
微聞僧未起敲門有客去還留  
征魂兩世一相逢雲海冥冥夜半蹤不那  
僧房投宿處寒鳥月色隱疎松  
飄飄野鶴海西濱五夜風霜無主人却向  
窮途成大覺始知瀟界也非真

月斜鐘響寺門開杳杳人鬼拂夜來自是  
無生起有相習緣何事肯肯重面

夜夢與先君游西海上且曙矣無生

人車次一崖巔崖殊高峻不知幾  
百丈也下視四海環而相盪如孤  
臺之俯沼矣西海尤近潮水乍沸  
乍涸沸稽天而涸見底矣崖巔又  
偪側不容膝稍下巽微徑北步抵

一古寺寺中松柏可數十株松梢  
月色清涼景况凄楚之甚隔牆聞  
僧語梵唄與潮聲相亂似起未起  
門猶鎖也余意倦甚欲問宿捫鐵  
者再而僧不應遂寤城頭之鼓五

矣作四絕

冬仲與肩師兩茂才約登天池山寺  
阻雨不果皆荒港別墅三日野快

盡至不免饑色鄧生自乞飯西隣  
樵家也會有餽雞酒者急中得之  
乏極歡三人雄飲狂歌相譁各頽

然忘形矣 三首

共有尋山興無如風雨何荒郊無供給野  
况且婆娑貰得黃花酒狂為白雪歌頽多  
潦倒趣不覺病顏醜

山村供頗盡雨雪興仍豪客自乞隣粥主

為典舊袍酣呼迷趙李劇譁亂風騷笑向  
而生語合茲失畔寧

空山唯一室積雨光連宵摺卷逢書滿  
難往玉逢詩成空自苦棋罷轉無聊不是  
王弘酒愁令鬢欲消

雲黃集卷之十一

穆陵傅國鼎卿著

詩

巳酉

寒食日同鄧憲華文學飲新寨玄都

壇

令節郊遊罷仙壇杯酒同幽花明月裏獨  
鳥細風中人語雜清磬茶香帶晚菘悠然

象外意一到藥珠宮

送何雲從山人

山人居海上善形容言  
二首

聞住蓬萊第一峯終年雲水寄仙踪不知  
滿地尋龍脉幾處塵埃有卧龍

縹緲平空一劍酣悠悠江北復江南千年  
王氣開金匱萬里龍精鎖玉函

蕭蕭匹馬走塵埃幾處寒山秀色開不信  
一杯猶未燥六龍親捧翠華來

香霧游絲正混茫山川無語對蒼蒼幾回  
指點人不解一任飛空白鶴翔

行樂至新岩店

茸茸紫氣峴山邊古鎮遙開大定年密翠  
陰陰常欲雨晴川淼淼自生烟鏡中花竹  
千門敞雲裏杉松二剎懸久對不知身在  
病騎驢今入武陵天

病中即事

二首



病來無外事閒景有餘清一徑松無竹半  
窓藥與枰驟雷驚午夢涼雨落秋聲稍覺  
煩痾爽披衣起誦經

病肺經時復病疝况當朱夏正炎炎詩裁  
險韻清分痛禪作止觀定養恬四野風香  
來靜枕一庭松影動疎簾得閒猶自多仙  
興遮莫清虛總未嫌

小出

愁病無堪意轉豪肩輿小出遶河舉喜從  
水曲逢山寺閒伴林僧話野蒿兩岸蟬聲  
清鼓吹千行柳色擁旌旄會心此外知何  
事指點前村貰濁醪

出五井鎮登蓮花峰

海天風物正清秋攬轡飄然一壯遊鬱鬱  
河山餘霸氣朧朧雲樹接滄洲澗田霜候  
多金菊山市人家半石樓卧病爾來佳趣

減野樽今為問山留

夜雨感懷

并序

秋雨夜獨宿青桂園落葉聲與雨雜  
飄蕭浙瀝淒入肝脾兼之驚禽拂樹  
斷鴈迷群不寐之餘撫今追昔風  
景未殊徃秋庭館依然故物而二  
十年來所與共此者舉非矣展轉清  
懷寸腸千結夜枕相知當復笑幻夢

之未醒也

杳秋孤館夜久病獨愁中萬樹淒寒雨  
窸峭朔風拊心千恨集回首萬緣空正  
難堪處前川叫落鴻

過雲山居士土室

并序

雲山居士余徃行也少頗事游俠者  
用世之意晚一切棄去長齋奉佛不  
關人事者近二十年矣比復割妻子

獨往黑山澗懸崖中鑿龕而居墜崖  
土鏗聊取容膝崖下一畦如席大碧  
梧紅藥亦頗幽秀澗水如綫當前浙  
瀝樹根凝翫良久有數道人緣崖而  
上五體墮地皆居士法侶接龕澗中  
者延余各抵其龕中茶瓜隨行坐  
莓苔憩沙樹用盞一澗之勝蓋是澗  
狹而多曲居士輩每當一曲輒為一

龕家焉岸樹環之咫尺之間林壑異  
狀不可復識有誤入菴源之致始知  
終南天台諸用名山隱者皆以藏名  
釣名非真隱也如居士輩無用名境  
陸沉澗谷間晦身滅跡人豈有物色  
之者哉余雅癖泉石而苦為世緣所  
牽不能遂棄終日剗剗風塵有覩居  
士矣為盤桓留移晷不能去向夕出

澗口回視窅然空谷頓失向人所在  
意殊徬徨追賞不盡輒復尋僧訪寺  
殺村問卜弄影霜潭之上歇鞍紅對  
之下有餘興矣賦四律紀病中一快  
多病苦塵累偷閒過道家懸崖千對合小  
徑一溪斜丹室裁雲窟精餐把日華幾年  
人跡絕祇有鳥啣花

晚厭人間事一龕學老能谷神看搗藥山  
鬼為吹燈梵響迷深對經林隱落藤隱然  
成別域無處問衰興

幽溪無雜客素侶自為群藥圃逐灘闢茶  
烟隔水分看門留虎足跡聽瀟掩龍雲引滯  
幽人佳冥搜到日黯

羨君懷壯志一鳩向清泉正似仇池穴深  
通小有天山禽和誦偈水月照安禪客到  
兩無事相看坐嘿然

晚出

搖落荒山日向昏  
寒烟相對倚柴門  
無聊親把一壺酒  
遍訪溪南黃葉村

幽人秘秘同鄧憲  
華茂才游龍岳寺  
山泉即僧房小臨  
鄧先携具以待久病  
之餘為之一飽  
寺有古浮圖三級

是唐肅宗時造  
磚木尚新又有宋  
政和中邑夏彪生  
碑亦頗可觀念

皆千百年物  
饒仰古今感慨愛戀  
久之已各銜杯  
東西步岫幘大笑  
清眺極日盡  
所携而去暮矣  
鄧手自挽驢一小  
平頭擔壺榼以從  
從

寺後並而東  
余從一馬數童子  
並而西醉態參差  
隱見巖徑中  
兩人時時回首  
望夕暉與人面相映也

意悠然有淵明  
氏栗里籃輿之想

惜世無善圖者詩以寫之并有七

韻

貧交唯爾我病起倍相憐  
借僕擔雞酒偷閒覓澗泉  
地貧山寺靜話愛老僧玄  
野意蠲苛禮真情解破羈  
散隨林影酌倦即石  
林眠溪色涼侵醉秋聽細  
入禪心清知味美意適忘  
形孱飯罷思偏壯覺餘景更  
鮮獨園憑指點幔嶺縱攀緣  
殘碑餘宋事

古塔是唐年荆棘較龍動  
薜蘿日月懸閣閣幾易矣  
風物尚依然佛屋平臨樹  
山形斜枕川如人孤石立  
似髻數峯偏鐵鳳舌巢鶴  
金桃晚集蟬惜無松似盃  
賴有貝為箋香遠雜空藹  
鐘清接玉絃年侵僧衆少  
秋雨寺門填落葉迷樵路  
寒花沒釣淵莽蒼荒野日  
穿落鎖墟烟點點山村香  
微微海翠連頗多千古意  
必問六天仙日暮情

何已盤空客合旋稍分紅對下漸背翠微  
邊猶帶烟霞色頗驚衣履穿擔輕稚子喜  
帽側老夫顛短劍吹驢背長歌續馬肩夕  
風隨蹀躞暝色點蹠蹻乍向孤林隱時從  
平楚眴依依嵐際去冉冉畫中翻有似龍  
山會真同栗里篔白狼元咫尺神嶽况連  
延萬壑朝飛霧千巖晝隱天間吟時極目  
幽想日流涎久欲探砮石幾或晤僊佺約

携十日具更盡九重巔

蘇十自其母文選八

雲黃集卷之十二

穆陵傅國鼎卿著

不詩

庚戌

長安邸中

餐霞已自癖待

詔欲如何曙色雲樓早

春風御苑多塵沙回宦思桂玉憶耕畝俗

殺傳呼者喧喧鳴玉珂

二首



長安道中寄內 二首

長途更苦病相侵  
進退艱難總不禁  
虎豹

九關謁

帝意風塵四海望  
鄉心征衣緩盡存  
雙劍孤

郎愁來仗一琴  
為語春深多種對  
桂林吾

不易雪林

經年病裏仍為客  
和淚燈前強寄音  
遠道

孤身歸去計  
晚妻穉子憂  
采心誰憐  
詞賦

雄千古但祝平安勝萬金  
南望蒼蒼烟霧

裏魂消不獨為分襟

自代內贈

別後朱顏頽欲無  
空憐春色到流

蘇望中明月隨君遠  
愁裏寒燈照

妾孤多病身名頻卜瓦  
遲歸消息

屢嘆烏已知無限風雲興  
莫令烟

花滯 帝都

雨雪慶雪道中

風雪淒淒困遠征，忽逢僧院不勝情。  
籠籠香霽連雲靄，細細鐘聲帶雨聲。  
門掩松杉閒日月，坐幽花草自衰榮。  
那知如此嚴天裏，匹馬黃昏客獨行。

壽宋母九十

坐閱滄桑九十冬，春風依舊桃花容。  
把觴欲獻無堪獻，笑指南山第一峰。

小出西郊

野立驚天變，乾坤乍有無。  
風前萬樹短，雨外一山孤。  
似雪飄新葉，如雲點退烏。  
飛揚餘壯思，長嘯倚昆吾。

百五日吊故內張氏墓遇雨四首

墓田春盡野花驕，一滴經年慰寂寥。  
惆悵黃昏人去後，滿天風雨自蕭蕭。

松香草色漫依微，日晚誰憐拭淚歸。  
似是

雲華集 卷之十一 詩  
佳人還有意猶為行雨傍人飛  
寶屨羅裙空渡思春風荒草正參差今宵  
雨打梨花濕應似新粧一笑時  
風悲日暮哭聲咽獨對烏啼人欲絕飛來  
萬點桃花雨依稀天上相思血

晚遊誕公寺

有跋

薄暮苦無悰駕言尋古寺稍遠城市喧漸  
覺峰壑異一徑入深塢香靄瀟湘浦林暉

翳若烟嵐翠遠如雨雨際帶夕陽月明秋  
水長孤雲閒自濕幽草靜生香東轉忽成  
昶平野晴風爽遠對點萬千疎村暖三四  
一騎淥波心消搖淺渡深寒鴉迴落景高  
蟬送斷音行行十餘里澗日益暝美梵居  
最上頭青松蔭流水頗愛風景佳可以散  
幽目無奈意忽闌園檀下維殺下馬未入  
門翻身遽轉轡有詩不肯題放却諸天翠

自笑心無著乘興漫來去天地本虛舟吾  
亦偶然寓歸意仙冗雜晚色澹烏匿家人  
問所之欲對已忘答

自搜微疴頃一年餘婆婆安於邑不渡  
言天下事第以兒女子為念耳兒  
生未晷輒渡病病九夏已闌秋風  
又至日之夕矣百感中來款段小  
出將散愁乎誕公之寺涉具水而

東薛徑疎村微陽古剎頗多景色  
足用怡心顧無疲之餘物感殊不  
慙也抵寺興盡不入而返從者顧  
笑曰胡為乎來哉自唯嗒然不能  
喻也嗚呼茫茫宇宙攘攘百年盡  
此矣劉項之所爭研桑之所籌回  
首非有亦何為者人生行住固自  
難預何必然何必不然爰成數韻

紀牢騷之慘焉

六月二十八日兒病

即日簡

昔以爾為子今以爾為客去留轉眼不可  
知安能容易長乖隔伊余生來習性嬾夜  
卧每令胞中轉梳頭吃飯午為期一睡之  
美千金賤以此長與世人踈榛草荆門畫  
宴如火都午前不通客達官徃徃空回輿  
却今為爾門夜開迎醫送巫走瀆來中寢

披衣起視爾不覺一夜能十迴是時六月  
七月際星河雲淡風微厲照人暝色共蒼  
黃入夢秋聲雜吟嚙平生浪自譚空有畫  
此塵心却難守夜闌細語跪焚香幾將生  
籙乞南斗兒方雖瘦氣猶實病劣安知不  
為言不見豫章小時多厄難七年之後參

天日

秋兩書懷

空山牢落易生寒况復沉陰歲欲殘幾陣風  
稜敲枕聽千峰雨足倚樓看鳥鷗呶呶時  
驚渚蛩蚓啾啾故傍欄坐憶長安行路者  
蹋泥蹋水正艱難

臘日遊天池寺 二首

臘殘春意洩僧房有青草靜處天機多獨  
遊塵事少柳梢碧霧濛桃岫紅雲香看人  
孤鳥馴遊水雙魚小

寺池有雙小魚僅三寸許不以年久益大見者有福利。

終夕一壑間幽芬極所討頗嫌臺殿荒龍  
象或歎倒獨有古塔存傳是開元造中有  
至正筆宛如昨日藁榮謝嶺頭煙今古風  
中燾億載一春夢安見屢昏曉試問太官  
山寧知秦漢了但坐學山石閒送乾坤老

山窗吟素藪人自出山石隱  
中盡新蓮一香鏡  
至五筆強以非日其  
復矣  
於

靈黃集卷之十三

穆陵傅國鼎卿著

詩

辛亥

寄情

一自河橋別  
搖搖心如幟  
脩夜不能眠  
鎮日不能事  
每聞風竹聲  
道是神仙至  
幾回倒屣看  
月明春對翠  
無聊強登高  
又苦游

氛概爽氣滿前山其如不可致昨夜三更  
雨孤燈照半醉分明語笑歡珠玉撒天墜  
却被風吹醒誰知是夢寐起望東南雲一  
夕竟九駛安得為雲龍相隨長不離

重過孟秀才山齋

前戊申歲題詩處孟孤頗為有節者所乘逃之他境故云云五

荆扉寂寂日荒荒遮莫重來人斷腸故物  
空憐雙栢對春風相向弄斜陽  
人去空齋樹影閒晚晴誰復問柴闌寒鳥

恰恰無情甚任帶夕陽飛又還  
門徑春歸亂草平客來盡日聽流鶯莫言  
鳥雀無情物鳥雀却能不勝情

雞黍花間憶舊遊一壺閒步水南秋只今  
來往無人覺空鎖松筠一院愁

訪舊敲門事事空斜暉虛照小山紅隔牆  
風對如知道也逐流光盡向東

齋在小山裏

鮑莊逆旅

在安丘



旅倦投孤墅幽眠移寸陰  
午鳩清客盡春  
草動歸心車馬桃源少  
雲林柯谷深臨行  
更認記重到恐難尋

龍巖寺雨夕送別

蒼苔山寺暝朦朧  
細雨飛無奈亦無酒強  
送情入歸杳杳嵐樹遠  
依依君轡轉倒屣  
雨力微渡頭風浪淺  
一別九十秋多少恨  
未勾却又匆匆去  
誰與話斯愁夜久瑯璫

闔清香對老衲隱几  
愔無悰有問不能答  
更是消魂處石泉與風  
對海殺放君行蕭  
夕為誰住

別鄧憲華後遊紫雲洞却寄

憲華以供養  
歸不能盡興遊

故朝

石門鐵鎖幽無徑  
中有一龕深可凭

玉

虹百尺灑飛雲  
珠花萬點鳴清磬  
傳有蛟龍洞底  
蟠氣吐千山  
常不定風霜兩岫真

先秋日月中流晝長暝客來直入龍宮遊  
冷然一洗五盃醒從中更發老翁鬚水清  
沙自紫雪堂有如佳人在空谷夜光空與  
長天巨幾回欲去不能釋持之聊作同心  
贈皎皎星搖霧雨開洶洶海立龜鼉騰異  
哉龍巖第一觀可惜張鎬渾沒興

洞出金如沙故有紫雪老翁鬚之稱

醒去聲  
瑩去聲

晚上龍巖寺過弟固德明園德律徑

曰翼紀南讀書處

晚涼山色佳空翠如潑雨林壘團團雲花  
搖泫泫露閒鳥隨意飛亂蟬不知處徑草  
密胷衣野水清侵屨孤明赤霞峰早暗綠  
楊渡春聲田舍昏茶烟僧院暮遙愛兩三  
人伊吾在深對

憲華新寘一妾輒失之失之日立秋  
日也聞其傷絕賦以喻之二首

晚來一段弄流輝流入卿卿翡翠帷不用  
隨風悲雨落朝朝只傍穆陵飛  
合歡初閃月如鈎把握隨君日夜遊不是  
思從中道絕自知此物不宜秋

冬日過從弟田下峪村

下峪頗幽秀冬來興倍長亂山深自鎖空  
谷靜生香天氣春三月人家水一方營居  
苦不就小第幸隣莊

五言贈宗生二首

體生名國器隱居能詩  
得一博士弟子員輒棄

宗生吾黨秀高卧在深山書學王小令詩  
擬孟浩然日月棊三百乾坤卷五千不關

明主棄本自棄人間

有美傾城人荒山一孤對薄地常躬耕短  
衣纔掩胯瀟洒命絲桐飛揚託毫素一杯  
東泰巔此意誰與晤

東坡集 卷之十三  
送由拳鄭少尹治軍漁陽二首

一丞關底事廳竹日修修天地一傳舍風  
塵幾浪遊海雲青社雨胡雪薊門秋無限  
臨岐意長江天際流

送君汶水頭天風萬剗秋前歡與後會去  
住各綢繆仰視浮雲陰南北悵悠悠酒罷  
驅歌起握手意無已努力事功勳塞煙秋  
正紫

送別蔣峪店就酌宗生書舍一日留

生固維繫為平原之飲屬以事強  
歸行十餘里天黑雨甚馬僕皆還  
失道急投棠隸小店則店人皆辭  
以湫隘閉門不應宿強之一庵止  
漏下濕孤燈黯然雨蕭蕭竟夕客  
懷殊惡悔不為生留也口號却寄

二首

送遠歸來欲斷魂  
喜逢知己一開尊  
無端却又匆匆別  
夜雨投人自打門  
白氣  
秋雨秋風秋鴈新  
一夜秋聲枕上勻  
正好對林聽蕭索  
孤館相思悔殺人  
白氣

雲黃集卷之十四

詩

壬子

穆陵傅國鼎卿著

大雪城西道中

萬里紅塵靜一天  
素靄流馬從空外  
轉入是月中遊不辨  
地天色那分江漢流  
蕭蕭元氣裏  
若箇是漁舟

莫雨宿濟西之黃岡  
夢與去年社友  
輩遊三山倚茂對臨清池相羊甚  
適覺而依依如新別也  
山店荒涼  
旅懷正惡雨瀟瀟益碎愁心  
坐憶  
去年對林之興歸思  
愀然起矣  
鷄鳴飛旦  
颿爾晨征口占二絕  
有情

未喻

客中風雨客中身  
夢裏關山夢裡人  
想

像忽如天上月  
幾時同醉穆陵春  
夜雨天涯野店愁  
對林忽是舊風流  
不知  
輕別緣何事  
從此東歸不待秋

六月十五日自龍鄉墅入城居道中

即事

款段偶來三昧後  
風光煞艷一年中  
牧童  
蓑笠看山雨  
餉婦壺觴話歲豐  
觸望煙村  
踈點翠  
誰家花圃靜  
搖紅  
故從迂徑尋幽

異未覺天昏月上東

六月十九日紀異

幾經初伏似深秋斗帳風闌齋葉愁借得  
重衾渾不寐臨明呼覓木綿裘

七月初二日別鄧憲華四首有少引

七月初二日以事至新寨過飲鄧  
憲華一茶而別夕矣積雨新晴山  
原如沐清暉浮暈幽陽微流帶抹

遙岑霰明芳蕤瑟瑟沃沃一望杳  
不似塵間餘孰色已未秋色復來寒  
蛩微吟晚鷄亂叫益悵然不勝今  
昔離合之感思懸袂提壺入烟嵐  
深處以極憇石澗飛泉攀林蹇落  
英之趨正此其時不欲別也即車

上口成四絕

分手山亭日正西流嵐凝綠色淒淒憑軒

無盡古今意又聽王孫一路啼  
離合匆匆不勝愁况無風色入初秋  
殘陽如濕烟如夢欲攬芙蓉不自由  
湖山雨過日華鮮水碧低搖卵色天  
安得相携十日供空青影裏問群仙  
秋拂晴峰萬翠偏晚來烟水倍蒼然  
一壺正好行空渌又是陽關雨後天

發龍鄉野山行如維州即事

山行貪景色匹馬故遲留  
日抱群峰午霞街獨對秋  
蜃樓昏海市鹿苑隱仙洲  
反恨歸程近未能盡興遊

雨過新寨戲柬于文學二首

匹馬秋山小路湮向宵風雨過  
佳人隔牆愛殺合歡對不分  
催歸叫綠筠驟雨驚風野  
望昏冥搜正傍綠槐村  
遙知對婦閒斟酌歸急無皇一  
共尊



瘞幼女

生月餘而育

早自混沌去免遺苦樂嗟天西初上月空  
裏乍飛花漫說三奇貴何曾二德差從今  
焚日苑不信五行家

以對公車行諸游好以伎樂餞別龍

岳寺

空寂千年地繁華此日中白雲銜幕翠綠  
對隱粧紅蹋石排金甲凭龕簇玉驄歌迴

烟苑轉舞罷日腫朧珠翠粘多寶笏簫翼  
大雄珥當樵徑墮髮映水衣髮盤剎前峯  
栗膾來北澗鮪不知明月上笑被碧紗籠  
障挿金莖斷竹搖鐵鳳神令依僧院鼓籌  
折洞門蕙再以明連夜幾看西作東相携  
探帟穴誰復辨龍宮移席隨丘壑交巡雜  
女童步露石竹雨坐愛榭林風長袖翩嗒  
角華簪冒藥叢鳥飛人散亂泉滴珮玲瓏

樂久主忘客供殫興未終蕭然黑霧夕曠  
別碧山籠好景憐霜葉離心指塞鴻去家  
將小草謁

帝向丹楓風雪橫孤劍雲霄看一蓬何時雙  
樹下重此一尊同贏得山僧笑原來色是  
空

雲黃集卷十五

穆陵傅國鼎鄉著

詩

癸丑

井上別弟因臨淄城北

人生最苦別况復弟與兄依依三夜話未  
足語衷情相持百里外恨恨不能行且復  
共徘徊茲我出古城曉日霧露餘草樹濕

寥寥似共離人淚夾路盡霑纓悠然憶山  
甫八鸞鏘其鳴故跡今已矣雅風猶餘清  
管晏無足論孔孟曾子征一聖一大賢皇  
皇此半生姬衰天不祚哲人亦徒營從來  
吾道泰盍與世運併誰將一小技而與造  
化衡滿前今古意臨岐鬱縱橫子南我自  
北回首熱中情却嫌古堞存容易蔽回旌  
從此雍門樹長與夢魂縈

第後遣隸東歸

漫喜浮名就無如素願遲雲霄為客處風  
雨送人歸庭樹春知茂塞鴻執到稀為德  
天路險好閉舊荆扉

朝罷

朝罷天其臺靜焚香自閉關近宮花寂寂  
闕雨斑斑鄉遠來書少客稀候吏閒其  
時一睡依約故南山

得請東歸出止平門賦得曉日都門

道微涼草對秋千韻

御銜色已辨天闕光初曉新唱那鷓鴣

乍敬馬紫電繞九衢聲漸多三市人猶少

隊隊展旗旌堤揚飛宿鳥

曉

紫宸初拜罷分綴駕行出拂柳覆金蓮  
香衣尚苾青殘井幹塵紅閃觚稜日霽景  
稱歸心馬蹄愁未疾

長安新得意一騎下

皇都縣次夫頻換

驛供酒不沾境如水上月人似夢中蘇斟

酌酬思事請纓先擊胡

都

錦遊忻拜詔拂曙出天門乍似開籠鳥

漸如奔木猿露濛朱押滴風泊碧旗翻一

色澄鮮處金盆對杪瞰

門

暫辭丹鳳闕遙指白狼道稚子痘初平

山田水未滂壽觴恣采菊霜節歡吹帽

需次尚更秋且諧泉石好道

昔來嫌席帽今還快錦衣况逢久而雨霽更

是曉颼微衫色襜初日袖煙鬢淺暉軟紅

開一電爭看馬如飛微

行色秋初破朝日出將宿痾除舊暑清

興入新涼黃緜名猶濕朱符筆稍香定知

兒女笑不悞薦秋嘗涼

風露入秋容御溝有白草青蒼碧卵色天

班駁皇華道潞水漲洪波津丹迂別島為

荷天寵歸所遇不悲老草

秋水際天遥莫尋歸去路催來一葉舟但

記雙行對孤館雲中開清笳空外度飄飄

伴浴鳥杳杳遂霏雨樹

計程頻數店阻水屢更舟漸喜莢頭近猶

懷馬頰愁賒嵐明月窗醉碧清風樓屈指

還朝日來年又早秋秋

知讀六一所稱羨曉日都門道微涼  
草對秋之句諷誦愛之不去口得第  
來隊逐朝行衣塵縮化還願所親皆  
杳然天外意況恍惚若客若夢不自  
知我首秋初吉得請錦歸拜 恩出  
朝遂不復歸舍趣駕籃筍沿玉河  
東下朝曦初旭城鴉亂叫楊柳依依烟  
暉淡淡雙旌悠然一都略具呵殿捧

擁始知自是新郎也有感前句恰為  
我詠因字為一韻取次賦十律廣之  
然一段飄飄欲仙之意不能喻也

風雪登峴陽閣 二首

地湧天迴浪拍空凭空獨立半天中河山  
萬里開銀鑑雲鳥千群戰玉虹鏡裏行人  
孤點點花間歌竹亞籠籠却看霜仗高  
排處猶憶鳴珂月殿東

一片蕭森殺氣衝平空萬朵落芙蓉望來  
似捲千山走聽久如翻四海春林壓松筠  
看獨艷徑迷人馬笑雙鬢霓裳自喜無拘  
礙更上瑤臺第一重

甲寅

卸甲灣

三月煙花到處稠引人幽賞未能休向宵  
不道歸程遠帶月更為蓮渚遊

龍港墅

一室孤開具水邊無牆四面望悠然門前  
嶽影臨中座簷外松梢落半天野綠時時  
來翠雨夕嵐片片駐蒼烟清遊微倦人無  
事賒酒堪成吏部眠

時肆政  
吏部

暮雨出新砦下峪諸邨

晚山微雨歇遠對生烟淡悠然有邈思命  
駕出前砌晶晶白沙明藹藹綠楊暗淅淅

野風清厭厭良苗荅成綺霞四飛如輪江  
孤澹裙腰小徑微龍鱗廣濕畛驚蓋暗田  
鶴掠帽薤瓜蠹落日隱山巔嬌紅艷初暎  
下津曠無拘輕舟乍解纜宛轉林壑間隨  
意聊登瞰顧惟龜組牽幽尋亦已暫及暇  
正今夕柰此霄光黓南望山寺佳深雲鎖  
碧紺未到已超然如塵洗清濫所恨興未  
窮食珍復苦餓漸入不知歸客與萬慮懔

把火夜投村山空孤犬吠

龍港墅晚眺

野平雨過翠偏殷返照微飄醉錦斑細路  
半埋禾黍裏輕車虛轉水雲間景如罨畫  
光猶濕人似飛仙意更閒最喜門前東黍  
色芙蓉正照醉中顏

雨後出白沙黃山諸邨

積晦喜初霽憑高望不迷煙消具水北雨



斷穆陵西芳渚香為霧碧山翠作泥霞流

千對瑩去聲珠綴萬花低選勝停車盃追涼

散馬啼憂農欣豆長望歲惜禾禾白石鮮

堪坐紫荆滑可題潦添溝有浪谷轉路無

蹊新洗沙相映怒生草競齊亂風喧暮蜚

春水舞晴鷺地濕夕暉早雲燒日色淒似

蓮開萬岫如絲駕雙霓綺陌濯來錦稜田

灌後畦霞明峰際火暈暗嶺頭鐫臂重還

天馬背長出樹雞正是乾坤淨堪娛景氣

甞與人還識意歸步故折折折社 奚切

莊門

莊門正對峴山巔雨去雲來色萬千濃淡

時兼天亦改有無歛怪地為遷如濤滾滾

凌風金似焰霏霏吐霧偏睡起結跏時凝

目萬花中擁一飛仙

題沂山發祥山館

祥水所出祖母王氏家焉故額其室

日發祥  
山館

一絲山脚正流觴此去滔滔萬里長欲向  
媯源尋故事當年蹤跡恨茫茫

常憲使求故臨朐郭公德政碑記郭

子光山今吏部選司

索詩幾載竟模糊索記于今意又孤應被  
人嗤薄宦拙曾無一字奉當途

夜雨

半夜江濤落蛟龍闔欲狂驚寒呼覓被避  
漏自移林似玉投花碎如珠動葉鏘只愁  
書帙濕無意聽笙簧

蕭園晚霽

淫雨連宵盪掃慵披衣向晚喜鳴鐘樹頭  
返照紅如染天際孤雲錦作峰遂有鳩歸  
清喚婦始無銅屐惟吟龍隔林愛殺嵩山  
色新洗蓮花一萬重

僻澗

僻澗聲聞少坐來風日香石泉無晚色兩  
葉帶秋光魚躍深清出鳥穿踈翠翎偶來  
遂盡日頭上片雲黃

寺頭碧霞宮

二首

地有東平西平信韓文公沙豕豕印  
迴平之說紫陽青柯平鍾樂平之  
為有據也

野廟當高處鬱蒼蒼四面清似方迴一水如  
蜀見雙平松暗迷樵路雪深隱市閔時應  
携賸客細酌對茶秤

仙闕俯縹清登臨屬午晴千峯當檻出萬  
樹拂樓平雲影揉嵐影蟬聲送水聲倚檻  
看欲暮出處意雙橫

柳丹寺二首

在邑西南七十里寺頭集東南  
谷中今廢

鷺谷誰開寺鶴軒我創遊班荆隨密蔭選

石弄清流晴送千峰雨涼生五月秋不知  
如是處振古為誰幽

剝隱雙崖矗林溪一徑微白雲迷皂蓋綠  
對映朱衣動水屏花顫驚人盡鳥飛買山  
偏為此何日一策歸

### 憩龍泉集龍祠

已自長征近偷閒聊暫遊野祠花窸窣田  
水對幽幽烟紫千山夕霜黃萬井秋東山

還有興竟舍意悠悠

### 長安道中

渺渺天涯意無管亦自忙符行愁寢閣驛  
舍畏巖墻落日攜兒女凌晨帶雪霜何如  
山澗曲亭午到羲皇

### 京寺送王成五廷評

時初拜通許之命未上  
成五其邑人以出使先

行送

送別來京寺塵襟暫一清徑迴迷俗跡竹

雲黃集 卷之十一  
冷透幽聲正好擁爐坐無如解袂行當門  
應有意者為字孤憫

易京除夕東王具茨明府年友

天涯飄轉羈微官又是匆匆一歲闌客舍  
椿槐相共寂故人雞酒聊成歡雲霾驛對  
連天杳雪帶邊風動地寒遙想故園諸弟  
怪正圍椒酒話長安

雪黃集卷之十六

穉陵傅國鼎卿著

無詩

乙卯

易京元旦且剛府王具茨招飲城頭北

極南

一尊相對俯麗譙客裏年華亦自饒四野  
風雲雄百雉萬家歌管劇三朝弟兄海內

真星布畿輔君家更斗杓是處儘堪成一  
醉天涯不解故鄉遙

重遊靈巖寺

剩有尋山興無如薄宦何廿年今再到一  
夕又虛過萬木閒幽翠諸峰自碧螺縱遊  
無一事爭似老頭陀

潘樓舖夜坐遲王兵

獨坐郵亭暮曠然野色清荒村私火吐高

樹幾蟬鳴愛日閒披露遶喧自掩荆却愁  
偵騎至半夜又將迎

咸平書院送舍弟目

牽絲悔自入風塵顛顛無端喪我真又向  
天涯別病弟強從醉裏轉孤身海雲回首  
忽千里驛酒何時再一巡最恨晚衙催放  
急裏懷多少未曾陳

過城東觀音堂

怯熱過禪院忽如病乍蘇果垂千對晴草  
靜一亭蕪塵俗頃迷我幽清始認吾匆匆  
又去此羨殺老僧孤  
午睡題看花樓  
虛皇曾憶輶飈輪五化於今底是真久病  
常依居士室薄遊乍現宰官身樓開亂葉  
紅侵署簾捲平蕪綠浸人獨愧新移來小  
秦故山空閉舊松筠

重過潘樓舖

野亭秋色澹空水動幽陽有徑草添媚無  
人菊自芳流雲閒入戶遠樹正平牆  
還經此忽令出處忘

宿原武王竹園二首

別館押城闔天然野趣真栢深常養翠竹  
密不通人陰洞千年雪閒花四季春  
頻不去恨此進賢巾

再宿梁園夜一清官路襟穿雲時倚對  
月屢驚禽車馬嬾新綬松筠憶故林中宵  
起不寐偶出竟何心

看花樓送所親東歸

又送所親去倚樓久默然書封情不既面  
對意難宣采菊臨霜候稱觴近壽筵此時  
曾不與何以慰孤孱

九日登書院後樓

天涯風雨又重陽尊酒高樓一望鄉水樹霜殘猶續  
綠原花日晚亂紫黃年侵豺虎愁三徑邑小琴歌  
自一方萍水悠悠何處是倚楹無意計行藏

丙辰

金嶺驛別弟圖

芳春多樂事那忍摠離群父子昨來別第  
况今日分含悽看綠草披淚對紅雲悔獻  
河東賦池塘負卯君



顏神道中有懷女菊

憶余生七歲

皇帝壬午秋從父遊暖水歸路三山陬絕崖  
幾百丈壁立夾寒流有年如群蟻黑白緣  
壁頭野花不辨名稀踈綴岩幽記如屏上  
人紅粧恰寸脩蹇驢時上下攀緣信所搜  
于時意杳然不解樂與憂回首三十載衣  
狗帳悠悠此行倍黯黯中懷萬感稠嬌女

不離膝而當適秦州送之未及歸老身亦  
南遊父子一日分天涯各雲浮馬為蕭蕭  
鳴淒風寒颼颼別淚灑青苔一路春山愁  
道出籠水上窈然足銷憂清溪寫皎鏡斷  
岸轟轟飛樓群羊從何來半壁走獼猴恍惚  
為見時風光與目謀東風吹夢醒陵谷非  
舊丘大江日汨汨誰挽六龍輶徘徊不能  
發太息恨滯滙

樹崗舖携子曰衡送女菊之長安昔

孤郵千里外偶聚一家歡兒袖盤中棗女

簪瓶裏蘭旅愁衰病易父子別離難即夕

天涯隔炎蒸幸勉餐

失恃於孺蚤相依為命長幾年惟爾我此

日間雍梁衣袖今從濕肝脾誰可將應記

銷魂處許西是故鄉

無物將心去獨歸悵此身所親分侍女加

飯囓厨人山任踰秦嶺水從涉孟津臨行

重托泣別爾掌中珍

### 重過曹氏禪堂

無地堪遊俗獨園小郭東陰濃無夏日赫

靜有秋風萬顆低連綬千絲弱拂臉徘徊

聊永日萬慮一時空

### 暮秋過馮村庄小憇水亭

一室水中央無牆四望長霜羅紅覆瓦風

竹綠侵林暫免游塵撲時來空翠香不堪  
車馬客慘澹負幽芳

得丁巳

得代侯臨漳送中丞梁公以請告移

駐陝州代作有序

易曰二人同心其利斷金同之  
有濟也如是乃左氏載晏子對  
景公則甚言梁丘據之同為無

當至比之琴瑟之專一而夫子  
亦曰君子和而不同何其與易  
同心之旨若盥而不合也書不  
云乎同寅協恭和衷哉此其所  
謂和乃其所謂同也離和以言  
同則梁丘據之同而非矣余以  
四十二年夏奉命來按中  
州時方有福藩之役一路騷然

煩費且括思管業嚴命紛如余與中丞公調御其間不激不隨一歸於正民得晏然無事忘於耕鑿而不知吾兩人為之之苦也彼弘農夜驚雖鼎魚誤跳無足問要以處置得宜不至煽搖生他變更旱蝗赤地洵然有山東往轍之慮揀荒無奇策則自古記

之矣諸如此類匪可盡述余與中丞公戮力助勦至今徃徃有一事而更數議一字而勞數海者匪不亦可否相濟第期各盡所見相與以有成忠愛一心則余與中丞公共盟之天日矣故兩人相得甚歡庶幾書之和衷而有當於易二人同心之旨者

既余以得代而北稍候臨漳而  
 中丞公亦以多病屢請漸謀西  
 歸移節鉞陝州名見必不可復  
 之意去昏以四十五年王正  
 浹辰之內兩人各風雨別矣悠  
 悠浪跡回首悵然不盡永懷託  
 之長句

二室春光初明倩雙龍正好交雷電不那  
 蕭蕭班馬聲東西一日風雲散砥柱山邊  
 玳瑁樓青霜信宿兩悠悠已看渺渺長天  
 未且復依依岐路頭洛陽正月二月交萬  
 花如錦映征旄却恨征旄帶春去山愁水  
 思風颺颺憶昔四十二年夏

帝子分茅來黃社千旌亂集太行雲萬騎平

雷大隗野八都聞風已繹駭九重

帝念猶憐陶呼吸乾坤乍低昂黃沙白浪無

天高時余奉簡初拜

命星馳一日三程併得會同心魯衛郊遮莫

風飈雙楫勁幾回補牘筆為禿隻字時動

兩三復安堵人知樂耕耘苦心誰識吾行

袖又憶徃歲桃林變函關一路烽如雷

撫幾會費酌斟累月為之食不晏中更旱

蝗丁天灾憂饑憂亂腸屢迴請求不厭瀆

天子噢咻長是保嬰孩如此盤根事非一細

語連宵或促膝綠鱗半拂玄冥雲紫霄雙

捧青天日只今百度已維貞春濃野靜河

流清匆匆却逐遊萍轉回首倏忽不勝情

君送我兮我送君世間萬事如浮雲惟餘

鍾鼎昭無極寧得雲龍常不分所冀先鞭

更速看濟川何事羨丘壑會令四海皆三

河鴈行同上麒麟閣

戊午

燕辭樓四首

畫梁幾載憶雙飛  
雨暮雲朝伴翠幃  
無事只今天外去  
衝風掠水欲何依  
紅羅綠深麥在場  
辭群相背泛斜陽  
即愁今夜薰葭渚  
何處更尋玳瑁梁  
辛苦銜泥意未休  
欲翔欲住久夷猶  
相猜還有趙家妹  
好認昭陽莫誤投  
一去重來未可期  
含情含怨有誰知  
滿天

風雨孤飛處  
猶記雕梁  
燕語時

韓岡道中

小蹊如帶隱疏麻  
獨對孤村賣餅家  
顧步幾回魂欲斷  
故人從此去天涯

遠書

懷人憶並遠書發  
萬里書回人未回  
客路孤蓬仍自轉  
故園寒蕪向誰開  
空隨夜月來衾畔  
又逐朝雲落海隈  
搔首青鸞何日

雲黃集 卷之六 詩  
是晚涼踏碎一庭苔

棘闈夜雨

病裏還鄉思  
夢中携幼尊  
忽聞院樹滴  
驚眠聽雨軒

病起出吳召道中

一官將滿真辭暑  
久病新蘇況及秋  
萬里雜花開繡谷  
千村寶塔接雲樓  
指松特向房去愛  
竹多為野墅留  
自是幽人非宦

侶幾年閒作漫郎遊

晚衙

撫案意恹然  
莫悔此生誤  
自惟禽鹿質  
原非綬冕具  
生長一家村  
千山溪無路  
依堪石作室  
藉草柴為戶  
白雲契我心  
高潔無塵慮  
幽石便我形  
坐卧有真趣  
雙溪碧玉瑩  
珪舍環仍住  
萬樹翠幢閒  
無風音自語  
水木清華間  
孤遊仙不如  
摠不借儒冠  
一擔樵



亦足悔為父命強踈跂事章句稍知天澤  
形因究宇宙故從此混沌鑿已是根原誤  
比出遊人間復偶蒙齒錄當其待金馬尚  
未翔朱鷺恣意歷名山真託極毫素寺僧  
坐棋花酌歡對婦時伴策翁釣或從社叟  
釀尋壑憇孤洲過畦留芳圃冬煮石上雪春  
坐烟中對半窓黃玉風一觴紅葉兩鳥舉  
狎鷓鴣獸羣亂狼麇音助徃徃日欲中熟眠

猶未寤起携一卷書漫送清流暮若不入  
朝班久偕赤松去浪作帝京遊又獻河

東賦遂披

三殿香叱此九折馭正如

歧路岐又浚誤中誤果成雞肋牽未展筆  
腸步宵寢動聞鷄晨興不待曙摠有黃紬被  
奈臨當闕呼早衙日已斜且饑猶未哺已  
復晚衙迫訟牒如堆舖叫天開赭衣密雲  
暗屈戌鍛鍊率溪文初讀髮如柱反復鏡

情形或多失蒼素汙者以媚權墨者以誅  
賂蔽者以任耳物者以任怒弱命林嚴刑  
誣服多非慄哀哀公治寃古今何可數炎炎  
當路豺贖贖憑城處遮莫食擇人淋漓口  
血注明燈破夜昏快刀斷芎絢我義本無  
心何知有強禦絲琴正未了忽報輜軒遽  
將迎各有分傳厨仍當預一時四面來安得  
多身赴時浪驚夜戎抱鼓中宵互飛嚴子

第兵急勒東西部刁斗乍轟天燈火遥暉  
發百道止行人萬屋搜潛寓數呂更絕流  
立馬鱣鯢捕笳鼓獻功回紅日猶未昫旱  
又羽檄催紛烟星駕鷲衡武拔麟章較文  
甄鳳羽夜雪陳橋店暮雨鴻溝渡揮汗凌  
火雲挹風洗月露望塵齊榆柳葆髮困馳  
驅有女長安來一言未及晤兩第適東歸  
置酒不得聚萬卷束架閒心茅亂如步強

雲莊集 卷之五 詩 五  
欲拈筆吟腸俗思不屬一字未成歎又挽  
朱墨滂徧有終朝忙而無一夕娛無恐伏  
機乘雙目左右睚似履擔竿末如馬下灑  
瀕即時遇佳景草草不能顧見山如過雲  
對花如看霧回首愧生平方知事事誤夜  
夜白鷗夢猶向青天翥何當駕孤鶴永從  
心所欲

雪旦木冰有事孔廟

蕊宮夜冷萬花寒  
拂曉玲瓏雜珮珊珊  
點破五雲輕拜起  
微風吹動玉欄干

看花樓即事

片雲天外隨意萬  
對雨中自私野靜耕  
農擊壤月明仙吏  
裁詩

樂府詩集卷之四

樂府詩集卷之四

樂府詩集卷之四

樂府詩集卷之四

樂府詩集卷之四



